

三水縣志卷之十三

編年 附災祥

作史之體有二曰紀事曰編年其體雖殊其義則一魯史春秋編年兼以紀事焉九州春秋吳越春秋交廣春秋亦編年兼以紀事焉後世作縣志者用編年以紀事義固有取也夫不提綱挈領則散而不屬語而不詳因革異宜古今異致必百無一考無從徵信今輯肆志凡禮樂政刑之大謹按通志及文案所奉行者悉為備錄而古今來治亂常變災祥荒稔並附載焉是皆據事直書無關筆削也而文獻足徵于是乎在矣志編年

三水縣志

卷之十三

編年

一

明世宗嘉靖五年丙戌提督兩廣軍務右都御史

兼巡撫廣東姚鎮題分南海高要等地建三水縣

縣地為韶肇廣衝兩江交并河支多盜舊隸南高二邑顧遠不及持當事者集議割南分高共五十里題請立縣扼守然地當衝要供應浩繁官民苦之

築城置署潮州府通判劉瓘督之 城築失法易圯難修見建置

知縣程儒任 書此重始事也後見秩官表占者謂程姓儒名及教諭鄒姓守忠名皆文

明忠孝之兆云

建儒學於龍鳳窠 在縣治左治所舊為龍岡東日

聳秀狀若羅城

儒學教諭鄒守忠任

六年丁亥春新建伯王守仁以總督兩廣江西湖

廣師平思田信宿白塢河

開徵量免雜差及派辦料物六載

毀淫祠為社學

先元年時魏提學為之而中有未盡毀者至是本學訓導劉逮奉行

不惑

七年戊子凡三登

陶志云晚造既盈遺藁再秀再

八年己丑

命行義倉社倉法

按倉之法若但立於州縣則窮鄉下壤百里就糧旬日待斃惟

宜貯之里社一村之間約二三百為一會每月一舉社正率屬申以同盟之約舉眾中善惡獎戒之

三水縣志

卷之十三

編年

二

其社米第上中下戶捐數多寡各貯于倉而推有德者為社長能善事會計者副之若遭荒歲則計戶而散先下與中者後及上戶則償之而免其下與中者凡給貸悉聽于民第令登記冊籍以備有司稽查則既無編審之煩又無奔走之苦且寓保甲以弭盜行鄉約以敦俗之意一法而三善備焉

九年庚寅春正月奉

詔頒敬一箴及五箴註鐫石於儒學

修學宮

知縣汪克思以年冬任見前建學缺者未備完者就圯遂亟度修學按均平額辦歲

支內一欸修聖殿額銀每年二十兩此歲例也

二月不雨至冬十月乃雨

十年辛卯攢造始均南高二邑徵

八月有神龍變化于金洲江上

天日晴朗忽元雲垂金洲海上須臾

有一巨鯉化龍
從東北飛去

十一年壬辰奉詔改

孔子廟為先師廟易像為主釐正從祀諸儒立

啓聖公祠詔在十年冬十一月此從至時紀之

選貢儒學生員有學行者一人實國學

夏六月望五色雲見於邑之西南方

始徵雜料初議量免三年後議量免六年見霍文敏集

十三年甲午置養濟院在城東門外

十四年乙未夏五月大水殺稼民饑巡按御史戴

璟大賑奏蠲田租廣肇與南韶饑斗穀百錢

三水縣志 卷之十三 編年 三

十五年丙申夏五月西江大水殺稼斗穀百錢

秋大旱

新生水口奏准築隄開雙寶交溪下流是為新生水口西潦漲則水為

民患蕩居殺稼環十數鄉宜德閒侍御梁軫議奏立開捍禦未果至是年南海辦事官李喻始題准築隄開雙寶圩瀕江有魚埠二每歲除納軍餉外鄉民圩長儲之以備修堤用

十六年丁酉夏五月大水視十四年高一尺五寸

十七年戊戌濬外河魁岡河寶

十八年己亥移西南驛舊在西南至是知縣郭梅移於城外以省勞費

十九年庚子夏五月大水

秋九月壬子熒惑犯南斗浹旬兩犯

二十年辛丑攢造興新圖二

二十一年壬寅秋七月己亥火星犯南斗第二星

占主東南大饑

二十二年癸卯夏五月大水

二十三年甲辰秋七月熒惑犯南斗

二十四年乙巳春正月閏戊寅金星晝見也

夏大饑

頻年水旱至是斗米百五十錢

秋七月巡按福建御史何維栢馳劾嚴嵩被逮削

籍

時嵩專權病國栢疏其奸比之盧杞李林甫上大怒下獄削籍為民

冬十二月癸卯日旁黑氣如盤與日相盪七日乃

三水縣志

卷之十三

編年

四

滅

二十五年丙午旌西南街民何葉盛妻陳氏立不

二天坊

知縣朱端明詳旌

二十六年丁未夏大水

砌官街

二十七年戊申建

敬一亭叔櫺星門及諸生號舍

二十八年己酉營節婦陳氏墓

知縣朱端明差吏營祭墓在鹿崗涌

二十九年庚戌春正月水賊劫庫

正月十九雨夜水賊突逾城劫

庫率然兵無所措取銀逾千而去時署篆府經歷云

三十年辛亥獲劫庫賊於廣西梧州

三十一年壬子扶羅山賊出掠及西北疆諸村

三十二年癸丑建庫樓

建兩院行臺三司公廩

邑道當廣肇衝兩院親臨或會議皆會宴於此雖合

南高三水共為供辦而未行臺鋪張供帳三水之役比南高二邑為苦周知縣乃因失庫復獲之

銀申營行臺民便之後皆圯康熙十年知縣蘇媚建復

秋八月華山井變九月羅山賊焚劫胥江

華山洗鉢泉甘

清香冽烹茗最美是年中秋水色變赤腥氣逼人三日乃復至九月羅山賊出搶船突至胥江焚劫

三日而去

冬十二月分巡嶺南道僉事杜璠特嚴行縣內廣

三水縣志

卷之十三

編年

五

招徠壯城郭

三十三年甲寅始建豐盈倉

在西門內今圯

剏演武場

在河旁今圯

西山賊流劫胥江

冬十月修學宮

建迎春臺

圯後於西南藍溪社學迎之今于陳太尉廟迎之沿為定例

三十四年乙卯冬十二月晦日無光變青紫色有

黑氣如盤飛盪滿天

三十五年丙辰革協濟水夫銀

邑新立衝苦初議連州協濟六十四

兩連山一十二兩香山三百五十兩向俱未到至是議革

羅山賊掠胥江營於獨樹岡

是時賊據獨樹岡為營焚劫凡六日居民

盡逃所擄婦女無算及取赤子坐竹器浮水沉之為笑婦女烈死者不可勝紀

三十六年丁巳春三月提督侍郎談愷督討扶羅

山賊命嶺南遊擊鄒繼芳繇胥江進會嶺西兵夾

擊之

羅賊猖獗自壬子至丁巳廣肇郡邑鄰羅山者無月不告焚劫至是愷督平之侍郎王鈞

繼搜之秋七月凱旋據肇志云嶺西兵功居多而嶺南兵以遊擊鄒繼芳遜要賊多漏逸扶羅之賊

尚有遺種云

秋八月鑿濠

知縣符良佶欲于行臺後開小河自西路邊直接大江入縣門以通舟楫

請于上臺給價五十兩買民田一石三斗四升八合二勺二抄有奇而豁其稅顧工力不敷而石脈

不可鑿長慮者憂內隄不高而潦殺稼灌城也後尋廢

三水縣志

卷之十三

編年

六

建里長卯房

後圮里民陞科

三十七年戊午二梳船賊大掠西南

自江門繇西江揚帆率至

商民莫支

三十八年己未夏大水

構春臺保赤軒

在思牧堂後知縣陶守訓構

三十九年庚申罷河旁抽分廠

商民同苦陳請知縣陶守訓初至力

罷之

裁全設房科為十六科

南海致仕典史甘文所陳也

有青

治法用青竹枝桃柳枝環擊可免其至也有聲如風始如螢火擊之散為數十擊甚或變

為禽獸魚虫木燼之類時清塘金竹各鄉有之鄧刺史俊尙未第從眾逐之火散俊輒手握之封置

筆筒次早爲
朽柴少許

加設守城民壯加編蔡巡按以三水無衛所城內居民不充河流支漫盜出沒

焉議加設民壯一百名里老黃世賢等以民力不堪乞增五十名後四十二年革

增築竈岡圍隄鄧國賓記

秋大旱

建兵馬司署知縣陶守訓建後圯

四十年辛酉遷社稷壇建三江書院邑初山川社稷並立壇於

東南一處知縣陶以爲於禮弗稱乃遷之而卽其舊址建書院今圯

提督張臬帥師討饒平盜張璉過兵大掠西南

砌鹿峒官路西南鹿峒山向無大路往來維艱知縣陶始鑿之鄉老明輔督砌

三水縣志 卷之十三 編年 七

四十二年癸丑春正月築良岡鎮土城良岡在高要界中是

時流賊每肆掠鄉民請於知縣陶申文比肇慶例立土城民賴以安

二月灑虛糧

撤胥江巖石營回城守罷新募減編

夏四月修邑志

大水

致仕教諭林賢請於巡按立三水千戶所見公移後未立

秋省舖兵減編

四十三年甲子穀貴

穆宗隆慶元年丁卯春大赦免是年田租之半

前御史何維栢奉

召赴京復其官

冬十月甲申夜金星入南斗

二年戊辰免是年田租三分之一

三年己巳春三月土星逆行犯太薇垣上將星

秋九月大風拔木

四年庚午春二月鹽牛賊圍劫白坭

鹽牛賊者東新二邑之私

鹽徒也上江則載私鹽下江則劫掠於是年二月初十辰登谿陵岡劫鄉民鄧邦義其徒數百知縣周督官兵至以賊徒盛不相加刃鄉民懼逃賊住三日而去

五年辛未夏大水

三水縣志

卷之十三

編年

八

六年壬申春夏民饑大水

建名宦祠鄉賢祠

神宗萬曆元年癸丑春大赦免是年田租之半

始祠鄉賢

六年知縣虞瑀從輿情申請祠先知縣鄭孔道名宦以尚存學道未允祇祠梁

御史軫陸學博宜鄉賢

大水

二年甲戌秋八月颶風

五年丁丑行御史龐尙鵬所上條編法

六年戊寅冬十月彗星見於西方

九年辛巳清丈

裁主簿廳

十年壬午始置水哨

十一年癸未

皇元子誕奉

詔大赦免田租三之一

地震

十二年甲申地震

夏五月大水

奉詔免天下災傷錢糧一年

十四年丙戌夏大水九水岡堤決害稼蕩居延百

三水縣志

卷之十三

編年

九

餘里凡數萬家

十九年辛卯獄疫

大旱

先是獄疫知縣甘躬省獄命役潔其寢處焚香木而園土無恙及旱祈于城隍三日不

雨自繫以禱須臾滂沱四遍人以爲甘霖

二十年壬辰春夏大水

胥蛋賊除

時胥蛋麥孔陽等夜則十蛋啣尾夾以長桅遠望如長船眾力操之其捷如飛

遇貨艘往來無不得者殺人石沉深潭中尋解連復爲小蛋又爲奔報哨守狀官兵無從緝賊如是

不知幾何年知縣甘廉得之適有來告失財命於江次者問其地卽此也遂密捕其蛋鞫招押以覓

屍日以石沉之潭中無能覓矣押指其地召沒人撈骨没人入輒如風雷迷瞽恐懼而出云骨多但

持不能出甘乃焚香告天召没人硃批其手曰取骨伸冤遂没入成抱而出賊蛋自此遂除甘後卒

於官百姓
如喪考妣

二十一年癸巳選貢學廩膳生員一人實兩雍

二十二年甲午秋七月潮不至

二十三年乙未夏六月大水

秋大旱

郡邑皆旱

二十四年丙申夏五月大水秋大旱歲大饑郡邑

民孳流無算斗米百五十錢

縣主勸富民各鄉自賑仍率屬親行分賑

民有望粥而仆者

二十五年丁酉秋大旱

二十六年戊戌修學宮

三水縣志

卷之十三

編年

十

修大路竇

二十七年己亥選學廩生員一人貢兩雍

二十八年庚子中使李鳳始差稅官抽收於西南

諭賜祭塋南京禮部尚書諡端恪何維栢於鎮岡

二十九年辛丑

詔免明年夏秋田糧三之一時册立皇太子及福

瑞惠桂四王推恩海內

三十年壬寅創文筆塔于城東南

坊老嚴茂誠督建

三十二年甲辰夏五月大水

三十三年乙巳始行每月三卯之法催徵

遷漢壽亭侯廟於城東演武場大之
三十四年丙午詔給孤貧民米布以
皇長孫推恩人米三斗布一疋

地震

三十五年丁未建尊經閣於學後

大水

冬賊掠西南

時突有山寇數百掠西南上街舖行鄉民敵殺十數人獲其魁號白日平

三十六年戊申增高城牒三尺

地震

三十八年庚戌夏六月大水

三水縣志

卷之十三

編年

士

三十九年辛亥笏竹花而實

四十年壬子秋大水

修學宮

四十一年癸丑夏大水

四十二年甲寅夏大水縣前堤決灌城諸堤多決

時水大于十四年丙戌一尺四寸

建仁壽坊

為百歲李開立

四十三年乙卯春獄神動

一日禁子報獄神手皆動知縣何合屬人觀動

如故後為省獄冤而多所反平

夏大水

四十四年丙辰諸郡大水縣前堤決灌城諸堤多
決巡撫周嘉謨巡按田生金疏請蠲免有差發金
修南郡隄

四十五年丁巳四月大水至六月穀貴

四十六年戊午奉詔加賦

秋九月癸丑彗星見於東方

出辰分角亢度其尾
衝指奎婁壁度仰視

長數丈
狀如箭

冬十月乙丑彗星見

出卯分氏房度其尾衝入申
分觜參度從下觀長有丈餘

狀如刀芒焰逾月始滅時用兵連年不息餉逼
天下牟利者動輿關稅廣肇州縣咸受困斃

建天衢雲路坊

在學前左右先為道德文章經綸
事業二坊後圯復建今俱圯

三水縣志

卷之十三

編年

十一

四十八年庚申大水自四月至八月

泰昌元年庚申奉

登極恩詔選貢廩生敘前五名者一人

熹宗天啓元年辛酉

詔恩選貢生一人

大有年

御史李希孔奏請誅崔文昇

為紅丸案

二年壬戌

三年癸亥御史李希孔上修

兩朝實錄公論疏

六月十六初昏熒惑入南斗自下而上守斗中十餘日從西轉東出

四年甲子穀貴

建義倉

修學鑿泮池知縣陳素養以學無泮池始捐贖開鑿之

初定派田助餉每畝定銀七釐後二年督撫何上晉欲承雜稅捕補闕省紛擾果菜

微利莫不承稅西南為甚後督撫復派田糧稅民始安

五年乙丑秋奉文始扣員役優免充餉

六年丙寅大旱墟市搶貴糶

秋大水

禁諸承抵餉小稅

三水縣志

卷之十三

編年

三

奉文賣無稅地充餉城內端蒙社學并賣

七年丁卯大水颶風

懷宗崇正元年戊辰

恩詔選貢

裁訓導一員

修賦役書

羅山賦出大掠樂塘等鄉劄三日去

奉文敦請鄉名賢講忠孝節義四字於學校

二年己巳奉

詔免明年地租十分之二

巡按吳尙默發緩金貯穀義倉

遊擊提兵來劄

時議鎮此後寢

水賊大揚羣艘肆劫薄西南窺邑城擄解糧官馬

驤於滄江登婆子灘岸屯屠牛鼓飲以鄉人有備

而去

是年江岸行人及渡客被擄死者無算蔣陶二公親冒禦之

扣生員優免充餉

及三年至五年六年復優免後又借扣

三年庚午大雨水自春竟夏

督撫王尊德來鎮

裁扣各編銀解充餉

城圯西偏

三水縣志

卷之十三

編年

古

四年辛未增餉

預徵通邑共一千二百零一兩七錢四分七厘三毫

大水蘆包水逆漲七日

穀貴

兩臺權加派徵粵東明年兵餉

本邑六百五十二兩二錢八分七厘

八毫二絲七忽派五年四年徵之

五年壬申夏大水

六年癸酉攢造興新圖二

七年甲戌春虎至城東大坳山

椿海隘

劉香之亂熊督撫命各縣椿海隘處拒之三水椿三江西南胥江滄江糧三石取椿

三五丈

添編故官水手

大風拔木徹屋城樓俱壞

置十勝哨船

八年乙亥春修學始開龍門知縣沈與教諭鄭相度成之太史梁兆陽

記

詔開特科拔廩生貢實兩雍簡甲科推知分考主以督學前場五藝後

場論表策其監臨提調鎖闈撤簾一如鄉場規雖分經閱卷每學不逾一名共錄六十名本學梁夢

卜戴經拔第五

夏大水縣前隄決仍大雨一月城圯西南偏稼不

收

三水縣志

卷之十三

編年

五

督撫熊文燦帥師由三水縣討劉香平之凡督師

地方鮮不擾民者此行獨戢云

搜裁各項編銀充餉以流寇派鄉官士民因糧出

貲輸餉鄉官戶每糧一兩派二錢士民一錢

撤海隘椿

秋九月大風

水賊連夜圍劫龍池賊徒百餘夜泊葫蘆岡鳴銃撞鄉初擄四人去殺鄉兵二

人次夜再圍劫鄉甲拒之互有損傷知縣沈嚴督哨把防捕剪耳土賊地方稍輯

九年丙子徵鄉兵錢白丁人十文糧三錢以上人二十文一兩以上人三十文

無加不以糧丁

奉行修社學成學左書院改為端蒙社學知縣沈起蛟度

前縣蔣書院未成者成之改為社學至戊寅知縣高准通學呈議改復鳳岡書院而端蒙社學則移

置南門右偏與閔祠對今俱圯

十年丁丑稅城內門面奉文每門面稅銀一錢本縣每門面之內有房一間

即稅銀一錢

新廣省愆亭

改因糧為均糧

十一年戊寅建學號舍知縣高其昌捐俸

修邑志

十四年辛巳夏五月大水決大路竇害稼竇當西江上游

三水縣志

卷之十三

編年

共

決則水勢莫禦是年淹浸直抵南海順德九江龍江等堡後奉總督沈親勘捐資命南海縣知縣朱

本縣知縣羅儀則會同督理挑築工竣本縣知縣羅儀則另捐貲創許真君廟在堤上鎮之置祭田

邑人彭懋淳碑記

十五年壬午開縣城文明門門在學前知縣羅儀則謂永為學利故啓

之

冬十二月晦西南街被火延燒三日乃滅除夕夜起火起燒

房屋數百次日燒至文昌廟四旁皆火廟獨不犯

十六年癸未建文昌閣築青雲路

建接官亭今圯

按院行旌黃元會賑饑

國朝

世祖章皇帝順治元年甲申夏四月

本朝定鼎 京師

二年乙酉夏五月

命將定江南

故明福王由崧自立於江南偽號宏光是年平定江南執宏光歸京師夏故明唐

王聿鍵自立於福建偽號隆武開鄉試時廣東僻在南徼不及率先歸附至順治三年始稟正朔

夏六月四姓賊劫西南街

三年丙戌冬十一月林佳鼎兵從肇慶來將抵廣

州與陳 兵會戰河旁大掠城邑

十二月總督佟養甲提督李成棟帥師入廣州

兩將

三水縣志

卷之十三

編年

七

命進 既定福建遂奉取廣東總督佟養甲先遣閩士黃夢麒授知府銜

至潮宣諭威德士民趨附師出惠來斬劇盜林學賢惠州望風歡迎遂入廣州輕徭薄賦與民休息

四年丁亥正月知縣陳億抵任

夏大水決龍池谿陵竇害稼

水師霍師連叛犯城知縣陳億縣丞薛 典史林

景祚教諭江南紀被害

五年戊子米貴

斗米六百錢盈野餓殍

三月李成棟檄郡邑稱明

李成棟自負平粵功驕恣總督佟養甲稍為裁

抑恒快快至是江西提督金聲桓叛成棟遙應之詭言部兵索餉不得將譁閏三月十七日黎明誘養甲出城撫輯養甲至衆兵呼譟擁之而去傳檄各屬粵人聞養甲死失聲哭之

七年庚寅秋八月大風拔木

冬十一月平南王尚可喜靖南王耿繼茂帥師討

平廣東

先是李成棟迎南寧桂王至肇慶稱永歷已丑春成棟兵敗于贛州退保信豐縣夜

渡溺死其部將杜永和將其軍還廣州固守至是克之屠其城

十二月海賊沿劫彭坑等鄉邑人李震元擒之

時

賊狂猖河南西江一帶蓬村龍池天湖等近海鄉村皆被劫有巨魁一十八人從彭坑將入洲邊官員等鄉李震元率鄉眾誘至西頭岡廟殺之自是賊不敢犯入內地

知縣譚應華抵任

法紀嚴明民賴安堵

八年辛卯廣東始行鄉試

十年癸巳春三月米貴

斗米千錢價倍于戊子而邑民少饑

三水縣志

卷之十三

編年

六

四月平靖兩王兵劄河旁進剿西寇李定國

時米價日

騰兵食取給于本邑供億浩繁民實苦之

十一年甲午冬十月李定國黨從木棉頭渡江陣

殲之

時對河青岐一帶皆李定國黨屯劄忽率驍勇四十餘人涉水渡江登木棉岡上適官兵

至悉殺之

十二月督院李率泰會同平靖兩王朱將軍會師

河旁往新會勦李定國大捷

十三年丙申修學宮

靖南王建河口西南魁岡白塔胥江馬房

後皆撤

十四年丁酉攢造興新圖四

裁橫石西南巡司

連年橫石司聽土豪串營發買擾民屢經告發至是奉文裁革

十六年己亥知縣劉應麒請兵於郡遣段將官帥

師摘勦胥江土寇

時胥江病若養癰積成大盜知縣劉應麒請兵于郡遣段將官

十二月二十六日至三水署縣翁人龍帶同原揭里排隨征至十七年正月初二日班師胥民安堵

十七年庚子春旱不雨至小滿乃雨

靖南王獵於縣城北給銀五十兩修縣北門一百

兩修北門廟

十八年辛丑冬十月雷鳴

築魯村西南沙頭堤工竣

典史曹國瑞奉憲捐築

聖祖仁皇帝康熙元年壬寅春正月

三水縣志

卷之十三

編年

九

大赦

詔以歲貢作恩貢蠲免順治十八年以前逋賦

二年癸卯夏劉寶賊日劫周村莘村鄉城守張邦

泰往捕之不克

時劉寶賊出新會流劫各方擄男婦回寨轄贖茶毒最甚

冬海賊周玉李榮突至河口賴縣內防守嚴密賊

不敢犯

陞科西南坦稅

築胥江范湖堤工竣

典史曹國瑞奉憲督理捐築

三年甲辰冬彗星見

裁教諭

四年乙巳春二月修縣署先是縣署皆土墻知縣

五年四月工竣

春三月旱知縣王于宣率眾虔禱甘霖立沛作喜雨堂

秋八月地震

五年丙午春三月旱時值四會僧奉梁公佛肉身至邑邑人請知縣王于宣留

禱越七日不雨乃備柴具文祭告與佛期以三日雨文有人其人而火其書之句越二日甘霖大沛

建營房奉督院牌行建協防營房四十間于城外白塔岡

秋九月地震

六年丁未

大赦

三水縣志

卷之十三

編年

三

頒六禁

總督盧崇峻疏陳六大害一日夫役二日派船三日採買四日私捕五日板害六日

擅殺下巡撫王來任覆奏力行粵民稱便

冬十一月開復正南門

門名熙阜先是知縣羅儀則閉之至知縣王于宣令

生員湯懋沃督理開復與文明門並行

大有年

冬十一月彗星見於西方

光芒竟天十日乃沒

七年戊申編審丁口

知縣王于宣按賦額加減丁口免民庭質不任吏書自用

硃筆照稅裁定數十年之賦役至是悉均

夏六月大水

至秋八月乃消是年低種無收

大有年

十月知縣蘇崑到任給示招逃流民復業歷前縣劉魏王錢糧皆未有交盤賦額逋

懸册籍牒混悉釐正之三
水之錢糧自是始清理矣

八年己酉

詔蠲康熙元二年逋賦

九年庚戌十月修學宮

知縣蘇崑訓導陳大觀捐俸重修

十年辛亥建行臺

自舊行臺傾圮兩縣會宴建廠煩難至是知縣蘇崑遵奉上憲

同捐資創建邑民永便

建城南門樓

十一年壬子編審丁口

五年內稅有收除了無加減至是役又悉均

命修各省通志

城隍廟工竣

知縣蘇崑捐資重修

三水縣志

卷之十三

編年

三

冬十二月建縣倉

十二年癸丑穀價平役務少人民安

修邑志

十三年甲寅春正月滇黔警報至

時滇逆吳三桂反閩逆耿精忠

亦反尚可喜世子之信叛附滇逆滇逆遣馬雄胡國柱等入寇廣東兵經三水夫務衝繁我

朝聖武或撫或誅悉蕩平之

十四年乙卯派取鄉勇往征潮州

十五年丙辰春正月

大赦

冬尚可喜卒

十六年丁巳夏五月尙之信歸正

朝廷念其舊功仍襲平南王職

十七年戊午夏大水免被災錢糧三分之一

十八年己未夏六月奉頒

聖諭十六條

每月朔望有司集紳士兵民端肅宣講

十九年庚申刑部侍郎宜昌阿奉

詔詰責尙之信之信自殺

之信進征廣西軍行不戢聞命繳印寶回廣州聽鞠未

幾其弟之瑛等誘殺都統王國棟等事聞之瑛等一百二十人皆伏誅之信自裁遷其家口於海州

二十年辛酉復設教諭

大赦

三水縣志

卷之十三

編年

三

二十一年壬戌秋除尙之信苛政

凡佔奪鹽埠勒索渡稅私抽貨

物重歛漁課諸大累悉行酌免萬民額慶

二十二年癸亥

二十三年甲子

御書萬世師表頒立學宮

二十四年乙丑

二十五年丙寅設花縣調知縣王永名於花邑

米價平

斗米二分

二十六年丁卯督院吳開局鑄錢

初用稱便後錢壅滯

二十七年戊辰

恩詔給老人肉帛有差

二十八年己巳

二十九年庚午冬大雪 草木皆枯

三十年辛未春不雨五月乃雨

三十一年壬申大有年始設鹽院

三十二年癸酉

三十三年甲戌夏大水決隄免錢糧三分之一

三十四年乙亥夏大水

三十五年丙子春不雨秋潦米價騰 撫院高行

均稅 每甲以二十
三石為額

三水縣志

卷之十三

編年

三

三十六年丁丑春不雨夏大饑

奉行賑飢民紳士
董芳范端昂分路

捐賑邑令
給匾旌之

大赦

命嗣後歲貢免赴京

三十七年戊寅

三十八年己卯征連陽八排撫兵回至三水作亂

總兵呂孝德率兵追至左田擒之

三十九年庚辰

四十年辛巳五月大水奏免錢糧三分之一

四十一年壬午

四十二年癸未

恩詔給老人肉帛有差

萬壽宮成

訓導林于翰捐俸建

四十三年甲申夏大水決隄奏免錢糧三分之一

四十四年乙酉夏大水 重建武當行宮

行宮在北門外

縣治主山縣丞鄭其祥捐俸建後殿丙戌冬知縣鄭玫捐俸建前殿門樓有記

四十五年丙戌初停里役 夏大水決隄

四十六年丁亥

詔免四十三年以前逋賦 改立學宮照牆修學塘

知縣

鄭玫以舊照牆高長捐俸移近丈餘削去左右冗長中立如屏風又浚前塘填復其半束之使方丈

三水縣志

卷之十三

編年

三

運大興檢討鄭際泰有記

四十七年戊子修榕寨圍

北荻頭逼水屢決知縣鄭玫令民改築於內去

水十丈餘得免崩決

四十八年己丑

恩給老人肉帛有差

設練總

知縣鄭玫令各鄉舉有才幹者為練總隸以鄉

勇巡緝地方盜賊屏息村堡安堵

修高豐圍

自廟下榕樹灣一帶逼水屢築屢決知縣鄭玫令民改築于內去水十丈餘得

免崩決民甚賴之

建城守公署

在舊分司故址知縣鄭玫捐俸鼎建有記

四十九年 二月朔日食

量榕塞圍

田三百餘頃均圩基

秋大熟

修青雲路

知縣鄭玟捐俸復修

修邑志

五十年辛卯

詔免五十年錢糧并四十八年以前逋賦

修青雲橋

木橋易壞知縣鄭捐俸伐石為橋

五十一年壬辰春寒百日雨夏五月大水

五十二年癸巳

萬壽特恩鄉會科

二月鄉試八月會試武鄉會一體加取

大赦

恩賞老人

三水縣志

卷之十三

編年

三

詔免全省錢糧并舊欠

五十四年乙未

五十五年丙申廣東丁銀配入地畝徵收

五十六年丁酉冬十二月

大赦

五十七年戊戌夏五月大水

五十九年庚子 令武職許入

文廟與文職一體行禮

六十年辛丑春正月冰夏五月大水

六十一年壬寅春正月雨雪竹有實

世宗憲皇帝

雍正元年癸卯

特恩開科廣額 四月鄉試九月會試其癸卯甲辰改期
雍正二年廣東廣額二十名

命舉孝廉方正

恩給老人肉帛有差

大有年

二年甲辰清丈田畝 編列魚鱗冊

命舉老農一人 給八品冠帶榮身

詔行便民社倉

三年乙巳

三水縣志 卷之十三 編年 三

詔歲科大學加五名中學加三名小學加二名

夏四月西江水溢

四年丙午饑

五年丁未饑

令職官紳士常服各加帽頂以別貴賤

詔舉行耕籍禮立先農壇 每歲仲春亥日率屬官耆老
農夫祭先農神于雍正五年

為始

六年戊申春雹 有年

詔蠲舊欠

七年己酉 有年

八年庚戌大有年

十年壬子

諭州縣敬事 社稷及 風雲雷雨山川城隍之神修
理 壇墀如式交代改三水城守營守備為都司
十三年乙卯准從前考進別籍貢監呈首改歸本
籍

高宗純皇帝

乾隆元年丙辰

特恩廣額

詔舉孝廉方正

三水縣志

卷之十三

編年

三

恩給老人肉帛有差 春二月大雨雹

二年丁巳

詔歲科大學加取七名

三年戊午夏五月榕塞圍決樂塘圍漫溢

四年己未

五年庚申

六年辛酉

七年壬戌裁西南驛丞 春二月有異鳥夜飛鳴

三月不雨至五月乃雨 斗米銀二錢五分

八年癸亥冬十月彗星見

九年甲子

十年乙丑

十一年丙寅夏五月地震七月禁革應試童生卷價 八月諭學政考試卷價自雍正十一年經部議定每本價值三分令提調自行辦置嗣後童生府州縣以及院試卷價令依部例

十二年丁卯

十三年戊辰

十四年己巳夏大風拔木

十五年庚午

三水縣志

卷之十三

編年

天

十六年辛未

十七年壬申

十八年癸酉

十九年甲戌

二十年乙亥夏四月遷朱祿岡注福祿星君廟于粉

頭岡 冬十月建文明門文閣

二十一年丙子

二十二年丁丑秋七月丙午颶風暴雨竟日

二十三年戊寅大饑米小斗銀三錢五分知縣李

冬大疫

三十一年丙戌夏六月彗星見

三十三年戊子秋螟食禾幾盡

三十四年乙丑春二月雨至于四月時水大漲

大饑米小斗三錢四分竹有實

秋八月彗星見

三十五年庚寅開長學前塘時于文明門內添築照牆一道後兩載傾圮

三十六年辛卯閉南門知縣張怡澤從紳士詳請也次年開復

四十四年己亥夏五月大水魁岡圍決沖塌文明門知縣德楞格修復時青雲路拱竇及良鑿金西蜺塘龍池各圍均被沖決

三水縣志

卷之十三

編年

三

革免通縣夫役知縣德楞格從生員李覺伊等呈請也

四十六年辛丑水決魁岡圍秋笏竹花而實

四十七年壬寅大修學宮知縣侯學詩捐俸倡修

四十九年甲辰夏六月水決婆角圍基溢入裡海

冲陷清塘深圳竇淹谿陵白坭大路三圍

五十年乙巳遷建土地祠于學前塘東

五十二年丁未大旱

饑米小斗三錢二分塗有餓殍知縣繆引吉開倉平糶

五十三年戊申春二月大雨雪

詔先行己酉正科有年

五十四年巳酉

詔舉行恩科

五十六年辛亥夏五月大水魁岡清塘榕塞各圍
决

五十七年壬子修城東

武廟

知縣王宿善捐貲倡修于廟東建神

醫祠西建更衣亭規模宏整

秋九月西南火燬舖店一百餘間

五十八年癸丑冬十月修泮池

五十九年甲寅春三月雨雹

秋七月大水魁岡圍决并决高豐灶岡王公三圍

三水縣志

卷之十三

編年

三

六十年乙卯春二月大雨雹

夏大饑

知縣王志槐開倉以賑

今上皇帝嘉慶元年丙辰

詔舉孝廉方正

恩免錢糧并各年舊欠

恩給老人肉帛頂帶有差

春三月雨雪

有年

二年丁巳夏六月大風拔木禾盡偃

三年戊午

特恩鄉科廣額二十名知縣孫樹新捐俸遷行臺于魁

岡之右

毀去元壇廟前官路又將青雲路修整買塔脚田築路直達行臺從闔城紳耆請也

四年己未夏六月大水高豐白木灣上梅埭清塘古灶各圍俱被冲决

冬十月西南火燬舖店七十餘間

五年庚申夏六月大風拔木

詔科試大學加取五名中學加取三名小學加取二名

地震

九年甲子春淫雨 夏五月雨乃止

十一年丙寅鄉民修大路竇

冬十月西南火燬舖店一百餘間

十一月賊掠大路墟

時有隣境海盜譚亞四等駕紅頭紅由東江至西南入思

三水縣志

卷之十三

編年

三

賢滘劫掠大路墟舖舍從西海下逸

十二年丁卯灶岡圍修大竇

春三月尊經閣成

知縣洪先燾倡建

文明門文閣圮

十三年戊辰春二月白坭圍修竇

土賊蛇王長等焚劫村民被害次年署都司張仁

率兵擒之

十四年己巳改三水城守營都司為守備因新設

前山營將本營都司移撥歸平鎮營都司又以潮

州城守營守備裁撥歸本營守備 秋八月海賊

郭婆帶等竄入內河焚劫南番順德各縣村庄幾
及三水界署都司張仁移兵西南率壯丁晝夜防
禦賊不敢犯

大饑 知縣洪先燾開倉平糶

十六年辛未夏五月颶風大雨傾塌北門城樓知
縣章家麟修復

冬十一月雞枕山賊劫西南

十七年壬申龍池蓬村六戶修復汾涌竇黃岡里
修復舊竇

秋九月添設把總一員

以前山營把總一員撥歸
三水營駐防西南巡防

三水縣志

卷之十三

編年

三

十八年癸酉夏五月大水決榕塞圍延及魁岡大
良二圍田禾盡淹沙頭圍大欖圍白木灣圍永豐
圍均被洪潦冲決

是年谿陵圍修濬灣竇穴清塘永豐大塲鯨涌古
灶鴉鵲新村榕塞各圍俱呈請修築署知縣王奇
雲詳借修費

十九年甲戌知縣王元樑考童試減收卷價酌定
章程勒石 尊經閣內

二十一年丙子冬十一月西南火燬舖店一百餘
間

二十二年丁丑夏六月地震

早造蝗灾晚禾大熟

冬十月魁岡圍重修下竇

二十三年戊寅

詔舉行恩科 春三月望日雨雹

夏五月大水坍塌大良圍竇早晚歉收

秋七月修縣志

冬十一月知縣汪 捐建襟江閣于舊行臺之西

二十四年己卯

萬壽恩賞老人肉帛有差

三水縣志

卷之十三

編年

三

恩免二十三年以前逋賦

大赦

夏四月西南火燬通融舖一百餘間

秋七月大水

按肆爲割建之邑故編年獨載前明以來分門別戶不敢畧也舊志題曰紀事今題曰編年蓋提年以爲之綱也而災祥亦附載焉何哉曾子固曰災沴之行治世不能使之無而能爲之備備之爲言德足以勝乎災也由斯以談災祥亦五行五事之應是以書之也如是志之事備矣